

欽定剿平三省邪匪方略

欽定剿平三省邪匪方略正編卷七十三

戊午年

六月初三日

乙未

宜綿德楞泰明亮奏言賊匪高

均德等經官兵在虎跳巖武勝河剿殺截爲兩

股後股北竄鳳縣界內前股人數較多首逆皆

在其內奔入武關之西溝又分爲十數股向長

寨黃沙沔縣沿江一帶狂竄總欲搶渡過江經

臣

德楞泰等從五道梁帶兵緊追

臣

明亮等從

大道折回沔縣分投截剿殺賊五百餘名生擒
首逆張添倫之子張建國及餘賊七十八名柯
璠同叅將韓加業等亦在長寨黃沙分路迎擊
斃賊三百餘名賊匪仍退向西北奔竄欲至畧
陽與後股北竄之賊會合臣德楞泰派溫春達
音泰等帶領步隊沿途追殺約有二三百人復
同阿哈保阿穆勒塔等帶領馬隊繞道馳至接

官亭出其不意殺賊四百餘名餘匪遂南出道
林溝至大安驛適臣明亮自青陽驛帶兵東來

兩面夾擊又殺賊六百餘名賊匪向西南奔竄

直趨棧道臣德楞泰等急帶兵至平陽關臣明

亮等急帶兵至五丁關截其入川之路詎賊匪

由白巖河胡家關一帶又向鐵鎖關東南大山

竄去臣德楞泰明亮亦趕至鐵鎖關進兵其後

股北竄之賊前經

臣

宜綿飛咨秦承恩王文雄

帶兵剿捕詎賊匪探知北路有兵復自鳳縣竄入甘省之兩當縣境內經副將李文蔚帶兵在劉官店截殺遂由楊家店小路竄至徽縣城下知縣牛中澣縣丞張伯魁等督率鄉勇竭力堵禦賊匪退屯王家坪

臣

宜綿途次飛劄索費英

阿急帶駐守雞頭關之兵由鳳縣跟蹤追殺另

調知府朱爾漢遊擊范濬帶領防守白馬關之
兵迎頭截擊賊匪遂由楊家河分股竄出畧陽
其時甘肅協濟川省軍糧運至畧陽者已有一
萬餘石委員知縣馬允剛等急將糧石搬移城
內知縣崔五峯縣丞丁貴興把總張從周等帶
領兵勇設伏夾門溝伺賊匪將近施放鎗礮人
馬驚逸步行之賊自相擁擠及跌入嘉陵江中

者約共三百餘人餘匪不敢近城盡行南竄

臣

宜綿復派烏爾圖那遜帶兵五百名前往協剿

臣等伏查此股竄出畧陽之賊人數無多現有

索費英阿范濬烏爾圖那遜等三面夾擊尚不

難於殲滅惟竄入東南大山之賊地方綿亘千

里路徑叢雜處處可遁賊首高均德李全張深

倫籍隸河南湖北無日不思竄歸經

臣等多方

截殺不能南渡漢江遂竭力西奔暫於川陝交界處所藏匿希圖官兵追躡卽乘間復出南鄭西鄉各隘口竄入楚豫兩省臣等節次追捕雖

已將數萬之賊殲戮大半祇因路徑紛歧兵力不敷布置致令闖入川界悚惶愧赧無地自容若復令竄入陝境與湖北之賊會合臣等罪更

難逭惟有於南鄭西鄉各隘口嚴密防堵使賊

匪不能折回臣宜綿卽帶柯藩關騰之兵馳至

西鄉紫陽一帶分派鎮將在罐子山漁渡壩等

隘口嚴防一面飛咨秦承恩王文雄帶兵趕來

漢中於毛狗洞等處隘口防守各分段落以專

責成臣明亮暫住鐵鎖關防其折回並堵後股

竄出畧陽之賊臣德楞泰仍帶原兵入山偵賊

所在分路追截務期擒拏首逆上紓

聖厯此次連日打仗官兵奮勇陣亡者外委金生秦
趙玉把總甯世俊外委玉貴年四員兵勇亦間
有傷亡俟查明咨部請卹

同日惠齡恒瑞奏言冉文儔一股賊匪屯踞李
華寺山梁與羅其清賊巢互相聲援擾及營山

儀隴一帶運道前經勒保酌分官兵交臣惠齡

專辦當於前月二十四五等日借臣恒瑞督兵

分剿將清風寺磨盤寨等處賊匪殲戮殆盡餘
均逃回巢穴運道已通

臣

惠齡卽帶兵由窩堂

廟移營進踞九節梁賊匪見我兵逼近又於任
家寨老木堖一帶山梁添設賊卡欲爲李華寺
賊巢門戶查該處山勢俱極險峻而任家寨路
徑尤爲窄狹自應乘其不備覓路分攻

臣

惠齡

當令總兵朱射斗穆維帶兵進取老木堖山梁

一面率領副將關聯陞叅將穆克登布攻撲任
家寨山梁賊匪分投抗拒勢極兇悍我兵奮勇
仰攻不避艱險山東把總李攀龍王照遠尙垣
首先跳入賊卡手刃數人以致中鎗陣亡我兵
卽一鼓直上殺賊二百餘人餘衆紛紛竄逸當
將兩處山梁同時奪佔察看賊巢非特李華寺
相距匪窺卽離孫家梁亦不過二三十里惟中

隔大溝數道連日大雨山溝水發有碍進兵正
在設法商剿見有賊匪在何家寨等處屯聚似
欲窺伺我兵且節據獲賊供稱冉文儔恐李華
寺山梁不能保守意欲勾結羅其清合夥或乘
間再圖他竄臣等查李華寺之左爲孫家坪其
右爲梁家園俱有賊匪屯集勢成犄角當卽公
同商定於十七日令朱射斗等帶兵攻撲孫家

坪副將李紹祖等帶兵攻撲梁家園

臣

惠齡率

同關聯陞穆克登布帶兵直撲李華寺賊巢均

於五更同時進發維時各官兵奮勇爭先朱針

斗等首將孫家坪賊卡打破殺賊數十人餘賊

奔回李華寺適

臣

惠齡率領官兵攻破李華寺

賊巢賊衆抵敵不住俱向梁家園遁逃我兵乘

勢掩殺又殲斃三四百人而梁家園亦爲李紹

祖等攻克合兵截殺賊匪滾巖落澗者不可勝
計奪獲大旗三桿刀矛一百數十件生擒張萬
等一百餘人詎李華寺山下深溝內復有賊匪

潛匿冀圖抄襲官兵後路經

臣

惠齡派令副將

關聯陞佟世徵馬國銳等帶兵分投搜剿殲戮
無遺而何家寨等處賊匪前來接應經

臣

恒瑞

同總兵觀祥帶兵截剿殺賊二百餘名餘俱逃

回賊卡當提張萬等審訊據供冉文儔見官兵
打破李華寺卽率衆從後山逃走不知去向當
將該犯等概行梟示臣惠齡現帶原撥官兵三

千餘名探明冉文儔所向設法躡剿至羅其清

股匪尙在孫家梁屯聚該處地方陡險人數較

多臣恒瑞督率鎮將設法進取務期早爲撲滅

以靖地方連日傷亡弁兵另行查明咨部均奏

入

上命軍機大臣傳諭勒保宜綿德楞泰惠齡曰前據
宜綿等奏稱旬日之內可以擒拏首逆剿辦自當
得有把握方計日以待捷音乃此次奏到之摺仍
不過分路追剿情形且復任賊匪竄入川陝交界
是前奏竟係支吾搪塞藉此延挨時日伊等疊經
嚴旨飭催豈全不知愧懼必欲自蹈重罪耶現在

張添倫之子張建國已經拏獲而首逆尙在輾轉
奔逃是誰之過宜綿等務須倍加愧懼奮力兜擒
速將高均德李全張添倫按名拏獲以便德楞泰
明亮卽赴川省協剿勿再仍前貽悞並著將張建
國一犯解京訊辦不得稍有疎虞所有打仗陣亡
之外委金生泰趙玉把總甯世俊外委玉貴年俱
著咨部加等議卹至此次惠齡等奏到之摺雖將

老木堦李華寺等山梁攻克而殺賊無多賊首冉
文儔仍從山後逃逸亦屬無謂此時賊巢已破無
難躡蹤搜捕而羅其清一股賊勢益孤更可直前
擊剿惠齡恒瑞務須乘賊匪潰敗之時兜圍截擊
速將冉文儔羅其清拏獲再與勒保併力擒拏王
三槐等毋稍延緩其殺賊陣亡之把總李攀龍王
照遠尙坦俱著咨部加等議卹

初九日

辛丑

秦承恩奏言陝省各股賊匪經宜綿

等大兵在留壩武關河一帶痛加剿殺截爲兩

股一股由武關西南竄至寧汧界內德楞泰明

亮分投兜剿殲斃甚多一股由武關西北竄至

鳳縣方石舖一帶直趨甘省兩當徽縣并另分

零股各數百人於留壩鳳縣附近棧道各山溝

內出沒滋擾

臣

當令王文雄及叅將鍾岳鮑貴

等各帶兵勇分投搜捕一面令承德帶兵馳赴
兩當相機策應連日王文雄等於各山溝內繞
路邀擊殲斃賊匪一千餘名生擒四十二名又
原任藍翎待衛慶廉親身擒獲執旗賊目李添
文一名俱卽訊明正法其有潛匿老林苟延殘
喘者亦俱搜洗淨盡並查明被賊裹脅未經隨
同打仗者概予省釋仍隨路出示曉諭俾脅從

之衆得以聞風解散至已入兩當徽縣之賊經
甘省副將李文蔚知縣崔五峯馬允剛等兩次
截擊復經明亮於大安驛一帶痛加剿殺該匪
遂由寧羌翻山南竄與前股之賊先後闖入川
界現在德楞泰帶兵馳赴廣元繞出賊前迎擊
明亮於鐵鎖關暫駐堵截宜綿隨馳至西鄉紫
陽一帶督率鎮將設隘嚴防

臣

同王文雄接到

宜綿咨會亦卽趕赴漢中相機堵剿並札令永德帶領晉兵速赴宜綿大營聽候調撥奏入

上命軍機大臣傳諭勒保宜綿德楞泰承恩曰泰承恩奏搜剿棧西竄匪情形俱係宜綿等早經奏過之事殊屬無謂現在賊匪旣由寧羌翻山入川自應躡蹤追剿設法繞截屢降諭旨令德楞泰明亮於陝匪辦竣後卽行赴川協剿伊二人此時竟

當帶兵馳赴廣元一帶繞出賊前迎擊並著勒保
派兵堵截與德楞泰兩面夾擊此股賊匪本由陝
入川經官兵截回陝省今又由陝竄入川境實屬
不成事體德楞泰明亮務卽奮力截剿將此股賊
首一律殲擒宜綿仍當駐紮陝境嚴行防堵

十一日癸卯勒保奏言王三槐徐添德等各股賊

匪經臣分飭富成七十五百祥富爾賽等分路

設法兜擒

臣

督率將領由豆山關進發居中策

應查王三槐等一股由新寧之龍王塘一帶竄

至燈草壩柞井壩等處往來衝突該處界連東

鄉太平路逕紛歧

臣

恐其乘間北竄一面飛飭

東鄉縣於各隘口實力堵禦一面派令原任總

兵楊秀並富爾賽等帶領官兵分投迎擊嗣據

具報該匪等連次衝撲聖燈寺南壩等處卡隘

悉經兵勇截回旋至關口坪地方探聞該處亦
有官兵攔截遂向開縣一路之四方臺地方折
竄臣正在設法迎擊適開州坪賊匪林亮功等
傾巢下山由梁萬交界之陳家場一帶奔竄此
股賊匪屯聚日久人數衆多如果直撲梁山轉
蹈我兵後路必須趕緊截剿隨飭六十七富森
布等星夜帶兵跟蹤前進並飛派叅將舒靈保

等馳赴梁山會同該縣方積抽撥鄉勇由分水

嶺一路迎擊又派總兵艾如文帶兵於萬縣之

大埡口一路駐劄防堵二十三日舒靈保方積

等督率兵勇進抵三溪口地方正值賊匪蜂擁

竄至該叅將等併力迎擊自辰至午撲壓十數

次殺賊八百餘名並鎗斃騎馬賊目一名餘衆

跟蹌潰竄退屯葛藤山

臣

現飭各路官兵分投

進擊總不稍予以暇至竄入鄴都之徐添德等
一股賊匪經七十五等於董家場地方繞道迎
截斃賊五百餘人時值大雨之後河水驟發淹
斃者亦不可勝計該首逆等被剿情急遁入長
壽縣境富成七十五分兵由石燕子葛蘭橋翻
山追截斬獲極多匪衆遂從隣水大竹竄至達
州邊界之趙家場一帶臣卽派百祥及遊擊褚

大榮等帶領官兵馳赴檀木塲等處與富成等
兩面合攻查此次賊匪奔竄地方東至鄴都長
壽北至東鄉太平其間綿亘千有餘里且均係
重山僻徑節次奪獲活賊據供王三槐等一股
原要繞竄開縣與林亮功合夥及知林亮功等
已經離巢而太平東鄉又復防範嚴密是以折
向四方臺一帶現在多方布置總須杜其北竄

之路以便設法殲剿其林亮功一股甫經奔竄
卽值梁萬各路兵勇環攻合擊立挫兇鋒現於
葛藤山屯紮當可乘機撲滅至徐添德等一股
經官兵於梁塾一帶痛剿不能與王三槐合夥
其勢日蹙茲復於檀木場等處飛派百祥富成
等兩面合擊臣亦督率大隊隨時策應如能尅
日將此股殲除卽多得一路之兵再清一路之

賊此次打仗委前鋒叅領阿勒經阿額外前鋒

藍翎長德壽守備陳占舉邱於明四員陣亡其

餘受傷陣亡兵勇另行查明咨部再林亮功一

股賊匪自舒亮穆克登阿經

臣

叅革之後卽派

副都統銜六十七建昌鎮總兵富森布帶兵進

剿乃六十七等旣未能趕緊嚴事迨至賊匪傾

巢奔竄又不能設法兜擒玩悞之咎實無可追

相應據實奏請

旨將六十七富森布革職仍留軍營帶兵以示懲儆
而觀後效

勒保又奏言查觀成劉君輔前將老木園股匪
剿盡經戶派令移兵在溫湯井一帶駐劄並查

梨兒壩地方尙有從前鐵瓦寺餘匪潛匿卽飭
總兵德齡在彼搜剿嗣據大寧縣知縣鍾蓮稟

稱梨兒壩之賊已率衆竄赴開縣之二墩巖層層紮卡恃險抗拒該令派撥鄉勇二千餘名於初九初十十一等日連次奮剿殺賊一千餘名並將賊首黃斌張和德蘇中義等盡行殲斃燒毀賊棚四十餘處生擒一百七十六名訊明正法該處業已廓清至阮正通等由陝竄川節經通江南江各縣痛加斬獲又竄至巴州平梁城

經川北道李鉉巴州知州常發祥督率兵勇擊退該匪等卽向通巴交界之神灘溪逃竄現在

李鉉分飭巴州南江通江三州縣所屬各寨挑

選精壯鄉勇馳赴該處一帶併力剿辦臣先已

飭令該道將此項鄉勇一律賞給鹽糧以資鼓

勵惟辦理一切須派武職大員統率方能得力

茲適梨兒壩賊匪已經剿竣是以卽令總兵德

齡酌帶官兵馳赴通巴一帶與李鉉上緊籌辦
以期迅速撲滅至大寧縣知縣鍾蓮自軍興以
來承辦軍需堵禦賊匪靡不井井有條茲又將
梨兒壩賊衆跟蹤剿滅實屬始終出力可否量
加鼓勵之處出自

天恩

同日景安額勒登保奏言賊匪自十五六等日

經官兵痛剿後卽率衆向西北均州一帶亡命
狂奔查均州西通鄖縣可由竹山遁入陝西若
任南廬房縣又可折回興山保康等處

臣

等公

同商酌令將軍興肇率同副將多爾濟扎普帶
領滿漢官兵一千六百名繞道馳往房縣擇要
駐劄適新任宜昌鎮總兵王凱到營隨令同叅
將佛寧等帶兵一千五百名鄉勇八百餘名赴

鄖縣之黃龍灘及磬口一路相機抄截臣等統

領官兵由中路進發該處山徑陡窄兼以大雨

時行道路處處艱阻臣鼓勵官兵奮勇追躡并

於逃出良民內擇其稍有膽識之人予以重賞

給發簡明告示令其仍回賊營將沿途被裹之

人暗中傳諭解散賊匪自連次剿敗後一見官

兵卽亡命逃奔我兵分投追擊日有斬馘其被

裏良民每日投出者自數十名至一二名不等
隨時查訊據供賊營被裏之人都願投出因賊
匪看守甚嚴不敢輕動現因官兵連日追殺賊
匪自顧不暇纔得陸續逃奔是賊勢已形解散

臣等隨督兵由白浪大新畚追至花果園賊匪

等果由該處竄往黃龍灘經王凱帶兵迎截賊
知有備卽回身折竄適臣等統領官兵趕到迎

頭截殺斃賊八百餘名生擒董理元黃順等三百五十三名訊有張林石玉袁紹忠等三名係張漢湖名下頭目又李洪等一百十一名均屬積年戰手當經分別凌遲正法此外二百餘名實係近日被擄良民各予省釋餘匪卽由旁路竄入房縣之大木廠等處興肇卽由東南一路探蹤抄截賊匪又折回汪家河時臣等帶兵追

及迎頭截殺斃賊無算沿途遺棄馬騾器械亦
復不少并有投出難民一千餘人_臣等逐一訊
明計道路之遠近酌給銀一二兩給予執照令
其速回安業統計連日賊營中投出被裹良民
已不下三千餘人現在賊匪分爲三股向秦口
獐浪河長峪河一帶狂奔查該處係房竹交界
之地俱與川陝接壤誠恐賊匪窮極敗竄圖與

川陝之賊合夥是以^臣等飛札川陝邊境州縣

一體集勇嚴防並卽知會興肇王凱仍分兵三路抄截總期卽日擒渠掃蕩至節次打仗兵勇間有傷亡容俟查明咨部

同日廣厚奏言陝省賊匪由鳳縣竄入兩當之楊家店地方焚掠滋擾經副將李文蔚迎頭堵擊賊卽由小路翻山至徽縣城下攻撲經該地

方官督率兵勇用鎗礮轟擊賊隨分爲兩股一
竄縣屬之王家坪一向成縣屬之格樓壩等處
奔逸時鞏昌守朱爾漢署慶陽守沈清正在該
處督運川省軍糧卽會同駐守都司馬良棟率
領兵勇奮力截擊殲斃賊匪甚多生擒二十八
名并騎馬賊目李德盛一犯當卽正法餘匪竄
往虞關其王家坪一股之賊先經臣咨會河州

鎮臣吉蘭泰帶領本標暨馬營監兵一千名馳

赴剿殺賊匪不敢北竄由虞關大石碑一帶與

前股竄匪俱逃赴略陽沔縣地方吉蘭泰帶兵

前進相機堵剿

臣

途次秦州因涼鎮兵尚未趕

到當將先經調赴白馬關防守之固原兵五百

名就近帶領星赴徽兩成縣一帶會同鞏秦階

道王錕督率涼州府知府那縉等搜剿餘匪并

訪有本地棍徒乘機搶掠業俱嚴密查拏從重
辦理現在吉蘭泰帶兵卽在虞關等處駐劄朱
爾漢會同階州營遊擊范濬帶兵在成縣一帶
駐劄哈密協副將李文蔚帶兵在兩當屬之劉
官店駐劄聲勢極爲聯絡人心藉以鎮定惟賊
匪所過地方俱被蹂躪焚燒附近居民棄家逃
避情殊可憫臣現飭印委各員出示招集散給

口糧燒毀房屋酌予修費其外來被難民人查
明資給路糧遣令回籍數日來百姓漸次復業
情形已俱寧貼堪以仰慰

聖懷均奏入

上命軍機大臣傳諭勒保宜綿德楞泰景安日勒保
奏分投剿賊情形仍任首逆輾轉奔竄並未擊獲
一名實不愜意王三槐徐添德等本欲互相狼狽

率掣官兵今屢經截擊不能合夥而大寧梨兒壩
地方一股賊匪亦經剿除賊勢日蹙勒保務須趁
雲貴官兵初到銳氣鼓勇直前速擒賊首其阮正
通一股有總兵德齡帶兵會剿尤當乘勝截擊毋
再遲延所有打仗陣亡之委前鋒叅領阿勒徑阿
等俱着咨部加等議卹其禦賊奮勇之知縣鍾蓮
着以直隸州同知陞用如再能實力奮勉卽以知

府超擢副都統六十七總兵富森布剿辦開州坪
賊匪遲延貽誤已有旨將伊等革職矣至觀成劉
君輔前此剿淨老木園賊匪曾降旨遇有總兵副
將缺出補用如伊二人現在帶兵果能奮勉卽奏
將觀成補授西安副都統劉君輔補授建昌鎮總
兵倘不過隨常打仗未能格外出力卽着勒保於
軍營奮勇人員內另行揀選二員奏請補用不可

稍存遷就又據景安等奏楚北竄匪屢經官兵截擊復竄至二竹一帶其被裹民人陸續投出者不下三千餘人是其黨與已散賊勢益孤景安等務須乘此機會剿撫兼施將劉成棟張漢潮速行拏獲廓清楚境勿任賊匪他竄至廣厚奏陝省賊匪竄近甘境經副將李文蔚等督率地方官兵勇截回未令肆擾尙爲奮勉着宜綿查明該副將如果

實任出力卽行咨部議叙現在陝省竄匪已離甘
省甚遠且有李文蔚原帶之兵在彼駐劄足資防
範其廣厚所帶固原兵五百名自當速行撤回以
節糜費卽廣厚亦當回省辦理地方事宜不必仍
留該處也

上諭內閣曰勒保奏副都統六十七總兵富森布辦
理開州坪一股賊匪未能趕緊肅事至賊匪傾巢

奔竄又不能設法兜擒現當剿辦喫緊之時不可不嚴行懲創六十七富森布俱着革職仍留軍營效力贖罪以觀後效

十三日乙巳宜綿明亮奏言高均德等賊匪前股

竄入寧羗東南大山經德楞泰等帶兵由廣元

大道向東兜截其竄至累湯之後股賊匪已在

沔縣寧羗交界處所滋擾臣明亮在鐵鎖關接

據探報急帶圖桑阿愛星阿等趕回

臣

宜綿又

派關騰帶興漢兵會同烏爾圖那遜前往協剿

二十五日行抵大安驛賊匪正自道林溝竄出

卽各分投迎截賊匪捨命拒戰愛星阿等督率

馬隊首先衝擊長春關騰及遊擊蕭福祿等卽

率步兵兜圍而進共斃賊八百餘名生擒五十

一名奪獲馬騾器械衣服無數該匪仍退回溝

內分投散竄其意總欲趕上前股賊匪一同入
川愛星阿等仍駐紮大安要道於山箐內逐加
搜捕拏獲周宏正等三百五十九名

臣

明亮同

關騰圖桑阿烏爾圖那遜等自寧羌由胡家壩
取道前進適該匪乘夜竄過蔡壩正向胡家壩

走鐵鎖關二十七日與官兵相遇

臣

明亮等帶

兵抄上兩面山梁暗伏伺賊人大隊入溝官兵

卽迎面截擊立斃一百餘人該匪惶迫奔竄自相踐踏比及山口兩面官兵均自山梁壓下賊衆爭路前竄官兵截其後隊六百餘人共自投乞命之李正邦等一百十三名訊係被擄分別保釋其餘概予駢誅餘匪仍折向八廟河入黃瓜嶺臣明亮等帶兵緊躡務期剿滅淨盡臣宜綿在西鄉據報通江一股賊匪於二十一二等

日竄至縣屬交界之菩提河滋擾隨派署總兵
田有成都司常洪分赴秋波梁司渡河等處擇
險守禦並飭署知縣張泰亨督率居民集勇協
防正在分投布置間復接平利洵陽各縣稟報
湖北竄匪已由南漳折回房縣至竹山之化峪
河李四溝等處必由上年舊路竄入陝境又據
稟稱川匪陳添德覃永壽等一股約有四五千

人竄至房縣與前匪會合入陝等語查湖北竄
匪雖經景安額勒登保疊次殲殺多人而大兵
皆躡蹤追剿不能繞出賊前又有川匪與之會
合勢更鴟張若使衝入陝境剿捕更爲費手現
在秦承恩王文雄俱在鳳縣留壩一帶防護棧
道未能分身臣宜綿卽帶叅將韓加業遊擊張
應張魁等兼程趕抵興安先派道員溫承惠知州

宋昌等分赴平利洵陽督率各地方官團集鄉
勇分布各隘口嚴密堵禦臣宜綿齊集各兵僅

有八百餘名勢難分布祇可親身帶領在平利

洵陽適中之二郎舖地方住扎確探賊蹤相機

迎堵臣明亮等剿淨後股賊匪卽帶兵分赴西

鄉等處同宜綿布置完密或帶兵入川或入楚
會剿俟臨時相度緩急再行籌辦其甘省徽縣

兩當一帶尙恐有零星餘匪竄匿林箐且慮本處匪徒乘機搶掠已飛飭署藩司廣厚嚴密查辦並飭鎮臣吉蘭泰搜捕淨盡後帶兵移駐寧河一帶防堵並護畧陽至廣元運送協川糧道秦承恩王文雄亦自鳳縣進抵漢中聯絡聲勢以固邊境

同日稟齡恒瑞奏言冉文儔一股賊匪經官兵

剿敗後竄至關口梁屯聚與孫家梁匪衆羅其清等互相聯絡臣等由窩堂廟五塊石一帶督兵攻剿連日俱有斬獲旋據探報陝省賊匪龍紹周王正潮等於五月二十五日由巴州一帶竄至儀隴之雙路場地方臣查該匪等多係楚豫之人若不趕緊截殺必復折回陝境自應先將此兩股賊匪分投迎剿復恐羅其清等聞信

率衆抄襲我兵後路當派總兵觀祥帶兵於要

隘之處嚴加控扼

臣

惠齡率領副將李紹祖關

聯陞叅將穆克登布等

臣

恒瑞率領總兵朱射

斗叅將馬斌遊擊岳寧阿等各帶兵丁於二十

六日五鼓分路向雙路場進發辰刻齊抵龍呈

寨見馬步賊人手執白旗十數桿率衆抗迎約

有六七千人我兵併力迎擊殺斃一百餘名賊

猶抵死相持並不稍退

臣

等潛令叅將穆克登

布叅領佛寧帶兵繞至山後突出抄襲殲斃執

旗賊目二人賊匪卽時慌亂朱射斗等率衆乘

勢掩殺又斃賊四百餘人賊始紛紛奔竄官兵

追殺二十餘里時已天晚暫行駐紮二十七日

急馳抵雙路場各匪正在四出掠食官兵奮力

衝殺殲斃三百餘人奪獲賊旗三裨鎗刀二百

二十餘件賊復竄至陽柳寨山梁時值雷雨交
作臣等督兵趕至察看該處俱係沙石路逕不

致濘滑當卽鼓勵將士乘夜悄上賊匪猝不及
防立斃二三百人生擒陳友珍等五十餘名餘
眾四散亂竄究因雨夜未便窮追隨提訊陳友
珍等據供龍紹周王正潮均於上年在陝省聚
眾焚掠因屢被官兵剿敗遂各自帶領賊眾分

奮擊致復分股竄逸實屬疎縱無能著再傳旨嚴
行申飭今前股賊匪業經德楞泰等馳赴廣元繞
前兜擊正可迎頭截殺而後股賊匪在大安驛鐵
鎖關等處經官兵連次擊剿不能與前股合夥其
勢已孤留壩一帶又有秦承恩王文雄在彼堵禦
德楞泰明亮等務須乘兩股賊匪潰敗之時奮勇
直前各剿各股將高均德李全張添倫等速行拏

獲方可稍贖重罪至由通江竄近西鄉之賊自卽
係阮正通股內逸出餘匪阮正通在通江竄擾業
經勒保添派總兵德齡前往協剿今宜綿等又令
總兵田有成等率同地方兵勇在西鄉擇要堵剿
正可與德齡等兩面夾擊速行撲滅其由川竄入
房縣之陳添德等想亦係川東竄匪闖入楚境欲
與楚北賊匪合夥入陝滋擾昨據景安額勒登保

等奏由二竹一路分兵追擊何以又任竄入現在
宜綿已馳回興安派兵分赴平利洵陽一帶探蹤
迎截該督務須知會景安額勒登保等前後夾擊
將此股竄匪速行剿淨勿任蔓延又據惠齡等奏
截剿陝省竄匪雖殺賊稍多差強人意但亦未能
擒獲賊首此股自卽係阮正通夥黨逸入川省欲
與冉文儔等勾合業經惠齡等擊退而羅其清下

山接應亦被官兵追殺多人已向西南逃竄賊巢
已失惠齡恒瑞等惟當趁其竄聚之時乘勝奮擊
拏獲賊首再與朱射斗等併力擊剿將賊首羅其
清一併擒獲迅速集事所有殺賊陣亡之千總程
寧遠把總馬廷宜俱著咨部加等議卹

十五日

丁未

宜綿明亮奏言竊德楞泰追剿前股

賊匪入川其後股賊匪自甘境竄出經

臣

明亮

等帶兵在大安驛胡家壩兩次截殺遂東向八
廟河入黃瓜嶺察看賊匪僅存二千餘人四散
奔竄情形愈感急派長春關騰烏爾圖那遜等
帶兵分投兜剿並飛飭道員文需帶領鄉勇在
東面堵截臣明亮同圖桑阿愛星阿等分帶馬
隊趕緊追殺時索費英阿已由甘境折回帶兵
南下秦承恩王文雄亦由鳳林前進賊匪知北

面有兵折回西南正遇

臣

明亮及圖桑阿等馬

隊趕到鎗箭齊發賊匪奔入東面溝內長春關
騰從北面兩山梁上壓下文需亦自溝腦帶領
鄉勇而來四面兜圍賊匪無處逃躲枕藉而死
其翻山滾巖走者不過數十人現在兵勇到處
搜捕無難淨盡生擒李大生等二百五十六人
訊問首逆所在據王文彩楊光正李泳光三人

同供李全張添倫先從襄陽起事竄入四川沿途
襲脅甚多嗣與向均德合夥分作三營行走
每營各有七千多人經官兵連次截殺出有告
示陸續投散三營剩不滿一萬人商量要到川
省暫躲又怕官兵追趕李全張添倫都帶親信
數十人同高均德一齊行走我等卽係張添倫
親隨至李家營張家營都交小頭目代管隨後

緊跟連次被官兵在虎跳崖武勝河等處截剿
勢益窮蹙十八日由畧陽一帶過烏龍河河水
正漲高均德等都騎馬淌渡張添倫隨後騎一
白驃過河尙有三四人曳著驃尾因水勢愈大
俱被衝下一齊淹死我等在岸看見不能撈救
只得逃向林箐中藏匿幾日又隨後股賊匪從
畧陽結夥到此又訊之李大生供亦大概相同

非稱伊是張家管小頭目張添倫於五月十八日在烏龍河淹斃高均德尙在營裡同時淹死男婦共有一千餘人復提張添倫之子張建國質訊伊父服色年貌及所騎牲口亦與衆供相符是張添倫之死似無疑義隨將李大生王文彩等概行正法其餘被脅難民卽予保釋

臣等

查陝省竄匪自齊姚二逆就戮之後惟高均德

李全張添倫三股今厯次截殺張添倫已伏冥
誅其徒衆在後股者剿滅無遺李全雖未弋獲
而夥黨亦經垂盡惟高均德等一股所存不過
二千餘人卽李全與之會合總屬無多德楞泰
等率領索倫吉林滿漢官兵七千餘人追截諒
不難於殲滅惟該匪狡猾性成急切未能得手
且川北各屬屢經蹂躪賊匪掠食爲艱必從南

逕取道潛入西鄉由陝至楚

臣

明亮卽帶索倫

及廣東官兵一千六百餘人馳至西鄉迎截其

阮正通龍朝相等賊匪分股在菩提河一帶滋

擾者亦可就近相機剿辦關騰烏爾圖那遜仍

帶原兵趕來

臣

宜綿軍營協同防堵楚來竄匪

其漢中毛狗洞罐子山一帶毗連南江通江亦

關緊要秦承恩王文雄已自鳳縣趕來分撥布

置自可無虞奏入

上命軍機大臣傳諭勒保宜綿德楞泰曰宜綿奏陝
省後股賊匪剿洗淨盡首逆張添倫業經淹斃但
高均德李全等仍任竄入川省迄未拏獲實屬無
能宜綿德楞泰明亮等剿辦高均德等賊匪已逾
兩年強兵勁旅亦皆在此一路自當相機布置趕
緊殲擒乃惟知跟蹤追擊任賊匪往來奔竄官兵

動爲牽掣似此年復一年何日始能辦竣豈竟欲

坐待賊匪自斃耶現在德楞泰已馳赴廣元務須

繞前兜剿卽將高均德李全速行拏獲若賊首已

與阮正通冉文儔等合夥明亮尤當速赴川境同

德楞泰督率官兵奮勇直前將首逆一併擒獲卽

帶勁兵與勒保併力搜剿各股賊匪毋得仍事尾

追觀望致兵丁疲乏賊得他竄自干重戾

同日宜綿又奏言據署甘肅布政使廣厚稟稱
此次剿捕川陝教匪甘省節次陸續奉調漢土
官兵二萬餘名應支借俸行裝口糧車馬脚價
料草及調撥軍火戰箭補製工料價值等項需
費浩繁前經部撥銀四十萬兩業已動用無存
此外各州縣墊用木領爲數尙多現在川省調
運秦鞏等處軍糧十萬石需用口袋運脚計費

亦復不少查司庫存貯銀兩兵餉等款不能借
支應請奏撥銀六十萬兩解甘備用臣覆加查
核保屬實在情形仰祈

皇上勅部撥發臣仍飭令該署司等督率屬員撙節

辦理核實造銷奏入得

旨行在該部速議具奏

同日

行在戶部奏言查甘省前經部撥銀四十萬兩因節
次調派官兵供支一切需費稍多自應籌撥接
濟惟查由京解甘道路較遠未免需時山西河
南二省皆與陝西接壤該二省開徵後現屆奏
銷之期各屬經徵銀兩自己陸續解歸藩庫足
供支撥應請於山西河南二省新徵地丁項下
各撥銀三十萬兩奏成六十萬兩分委委員解

赴陝西接替委員解交甘省以歸簡易而節糜
費奏入得

自依議速行